

JP NIO SLUŽBENI LIST BiH  
SARAJEVO

Broj: 5-1-05-1-276/17-16  
Sarajevo, 20.07.2016. godine

Na osnovu čl. 69. stav 2 tačka e), 70. i 71. Zakona o javnim nabavkama Bosne i Hercegovine („Službeni glasnik BiH“, broj 39/14), člana 23. Statuta JP NIO Službeni list BiH, te prijedloga Komisije za javne nabavke broj:5-1-05-1-276/16-16 od 20.07.2016. godine u postupku javne nabavke računarske opreme putem otvorenog postupka, donosim

**ODLUKU**

o poništavanju postupka javne nabavke računarske opreme putem otvorenog postupka

**I**

Poništava se postupak javne nabavke računarske opreme putem otvorenog postupka iz razloga predviđenog članom 69. stav 2 tačka e) Zakona o javnim nabavkama Bosne i Hercegovine- cijene svih prihvatljivih ponuda su znatno veće od obezbjeđenih sredstava za predmetnu nabavku.

**II**

Ova odluka će se objaviti na web stranici [www.sluzbenilist.ba](http://www.sluzbenilist.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**III**

Ova odluka stupa na snagu danom donošenja i dostavlja se svim ponuđačima koji su učestvovali u postupku nabavke u skladu sa članom 71. stav 2. Zakona o javnim nabavkama BiH.

Ova odluka stupa na snagu danom donošenja, od kada će se i primjenjivati.

**OBRAZLOŽENJE**

Ugovorni organ je na osnovu Odluke o pokretanju postupka nabavke računarske opreme putem otvorenog postupka za koje je objavljeno na Portalu javnih nabavki obavještenje o nabavci broj: 195-1-1-48-3-14/16 od 28.06.2016. godine, proveo postupak nabavke.

Procijenjena vrijednost nabavke bila je 20.000,00 KM bez PDV-a, a koja je bila objavljena u predmetnom obavještenju i tački 3.3 Tenderske dokumentacije.

Nakon isteka roka predviđenog za dostavljanje ponuda, Komisija za javne nabavke (u daljem tekstu: Komisija) je u Zapisniku o zaprimanju ponuda od 19.07.2016. godine konstatovala su u roku pristigle slijedeće ponude:

1. „PROINTER ITSS“ d.o.o. Banjaluka, broj protokola 5-1-05-1-276/12-16, dostavljena 19.07.2016. godine u 10.10 sati.
2. „FIXIT“ d.o.o. Sarajevo, broj protokola 5-1-05-1-276/13-16, dostavljena 19.07.2016. godine u 10.55 sati.
3. „GBG“ d.o.o. Sarajevo, broj protokola: 5-1-05-1-276/14-16, dostavljena 19.07.2016. godine u 11.20 sati.

U postupku analize pristiglih ponuda Komisija je u Zapisniku o pregledu i ocjeni ponuda, broj:5-1-05-1-276/15-16 od 20.07.2016. godine koji se dostavlja kao prilog ovoj Odluci, utvrdila da su ponude ponuđača „PROINTER ITSS“ d.o.o. Banjaluka i „GBG“ d.o.o. Sarajevo, formalno prihvatljive za ugovorni organ, dok je ponuda ponuđača „FIXIT“ d.o.o. Sarajevo neprihvatljiva iz slijedećih razloga:

Izjava ponuđača nije popunjena u segmentu ostalih kriterija za vrednovanje ponude (garantni period, način plaćanja i rok isporuke);

U Izjavi prema članu 45. nije upisan broj obavještenja za nabavku računarske opreme;

U Izjavi prema članu 47. nije upisan broj obavještenja za nabavku računarske opreme;

U Izjavi prema članu 52. nije upisan broj obavještenja za nabavku računarske opreme;

U tački 8. ovog Zapisnika ponuđač nije ispunio uslov u pogledu dokaza tehničke i profesionalne sposobnosti jer je dostavio referenc listu za dva ugovora, dok je tačkom 7.4.1 Tenderske dokumentacije za nabavku računarske opreme, broj: 5-1-05-1-276/1-16, definisano:

„Što se tiče tehničke i profesionalne sposobnosti, ponuđači trebaju ispuniti slijedeće minimalne uslove a koji se mogu potvrditi sa dokazima iz člana 49. Zakona a to su: Uspješno iskustvo u realizaciji najmanje 3 (tri) ugovora čiji su karakter, kompleksnost i vrijednost slični onima koji se odnose na predloženi ugovor, u prethodne dvije godine.”

Ponude ponuđača „PROINTER ITSS“ d.o.o. Banjaluka u iznosu od 32.554,73 bez uračunatog PDV-a i „GBG“ d.o.o. Sarajevo u iznosu od 31.835,00 KM bez PDV-a su znatno veće od obezbjeđenih sredstava za predmetnu nabavku (20.000,00 KM bez PDV-a), te je predloženo poništenje postupka nabavke.

Članom 69. stav (2) tačka e). Zakona o javnim nabavkama BiH propisano je da je ugovorni organ obavezan poništiti postupak javne nabavke u slučaju da su cijene svih prihvatljivih ponuda znatno veće od obezbjeđenih sredstava za predmetnu nabavku.

Na osnovu ovog prijedloga Komisije za javne nabavke, donesena je odluka kao u dispozitivu.

**PRAVNA POUKA:**

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pismenoj formi direktno, elektronskim putem ili preporučenom poštanskom pošiljkom na adresu: Džemala Bijedića 39, Sarajevo. Žalba se podnosi u najmanje 3 (tri) primjerka.

**DOSTAVLJENO:**

1. JP BH POŠTA d.o.o. Sarajevo
2. Komisiji za javne nabavke
3. a/a.

**DIREKTOR**  
Dragan Prusina